

অর্থহীন বিতর্ক বন্ধ করুন

"মানুষের অবচেতন-অস্পষ্ট জীবন-চেতনার মূলে রয়েছে ভয়-বিষ্ময়, ভক্তি-ভরসা ও কল্পনা। এতে বলতে গেলে জ্ঞান-বুদ্ধি যুক্তির ঠাঁই সংকীর্ণ ও নিতান্ত সামান্য।" আহমদ শরীফ- গণতন্ত্র, সংস্কৃতি, স্বাতন্ত্র্য ও বিচিত্র- ভাবনা ১৯৯১।

বিধাতা, গড, আল্লাহ্ ভগবান বা ঈশ্বর কে চেনার জন্য সক্রেটিস্, রাসেল, কার্লমার্কস্ কিংবা জগতের অন্য কোন দেশের মুক্তমনা দার্শনিক মনোবীর বই পড়ার দরকার পড়েনা। ডঃ আহমদ শরীফের গণতন্ত্র, সংস্কৃতি, স্বাতন্ত্র্য ও বিচিত্র- ভাবনা, আরজ আলী মাতব্বরের সত্যের সন্ধানে, মোস্তফা মীরের উল্লেখ্য, ডঃ হুমায়ুন আযাদের আমার অবিশ্বাস, মাহমুদ শামসুল হকের নারী কোষ, এই ক'টি বই ই কি যথেষ্ট নয়? উপরোল্লিখিত লেখকদের যুক্তি, তত্-তথ্য বহুল লিখার, প্রশ্নের কোন উত্তর ধর্ম বিশ্বাসীরা কোনদিন দিতে পারেনি কোন কালে ই কেউ দিতে পারবে ও না।

অভিজিত ও কুদ্দুস সাহেব কে আকাশের যত তারা আছে, ততবার ধন্যবাদ দিলে ও কম হবে। নতুন দিগন্তের সূচনা করলেন আপনারা। অনাদিকাল কৃতজ্ঞতা প্রকাশ করবে আমাদের নতুন প্রজন্ম। মুক্তমনা-ভিন্নমতে যতজন লেখক আছেন, তার চেয়ে সহস্রাধিক গুণ বেশী হবেন পাঠকের সংখ্যা। বেশীরভাগ লেখকের লিখা থেকে অনুমান করতে পারি, আমার মত পাঠক আপনাদের নতুন প্রজন্ম। আপনাদের প্রাবন্ধিক লিখা কমপিউটারের প্রিন্টারে ছাপিয়ে বন্ধু-বান্ধবকে বিতরণ করি, যাদের কমপিউটার বা ইন্টারনেট নেই। Cannabis, Cocaine এর চেয়ে ও মারাত্মক ধর্মনামক বিষাক্ত আফিমের আসক্তি থেকে মুক্তি পচ্ছে আমাদের নতুন প্রজন্ম। আমার Youth Club এর দুই কিশোর সদস্য, হাসান আর কামাল কোনদিন David আর Paul এর সাথে Snooker table শেয়ার করেনি, কারণ একটা ই, তারা (David আর Paul) অচ্ছুত খৃষ্টান, কাফির। কামরান মির্জা, আসগর সাহেবের বদৌলতে এখন তারা শুধু একসাথে খেলছে ই না, যনিষ্ঠ বন্ধুত্ব গড়ে তুলেছে। ধর্ম, একটা সমাজ একটা জাতি, অফুরন্ত সুন্দর আশার একটা ভবিষ্যত প্রজন্মকে কি ভাবে কতটুকু ধংস করতে পারে, মুক্তমনের



দাবীদার ধর্মবিশ্বাসীগণ একবার ইংল্যান্ডে চলে আসুন। দেখে যান সোনার বাংলার মুসলমানদের অবস্থা। মুসলমানদের অবস্থা ই বলে দেয় ধার্মিক হওয়ার পূর্ব শর্ত।

যে কোন ধর্মাবলম্বীর ধার্মিক হওয়ার প্রথম শর্ত, স্ব-ধর্মকে Superior আর পর ধর্মকে Inferior মেনে নেয়া। লাকুম দিনুকুম ওয়ালিয়াদিন আর / লাভ দাই নাইভার এর মত কাল্পনিক অসাড় মিথ্যা শ্লোক প্রত্যেক ধর্মগ্রন্থে ই আছে। বাস্তবে তার কোন প্রতিফলন নেই। ধর্ম মানুষকে বানায় Pervert, Racist, Sexist, Hypocrite, Selfish, Faker, Prejudice, Deceiver, Fundamentalist, Extremist সে যে কোন ধর্ম ই হোক। এই ফোরামের ধর্মে বিশ্বাসী দু=একজন লেখক মন্তব্য করেছেন, ধর্মে বিশ্বাস রেখে ও মুক্তমনা হওয়া যায় কিনা। জি না, হওয়া যায়না। সোজা উত্তরটা হলো, মুক্তমন বলতে স্বাধীনতা বোঝায়, আর ধর্ম পরাধীনতা। দুটোর সহাবস্থান কোন ভাবেই সম্ভব নয়। ধার্মিকের দেহ, মন, আশা, আকাংখা, ইচ্ছা, অনিচ্ছা, সুখ দুঃখ, অর্থ বিত্ত, মান সম্মান, বর্তমান ভবিষ্যৎ সবকিছুর নিয়ন্ত্রক ও মালিক একমাত্র আল্লাহ। দু জন মুক্তমনা নর-নারী বিবাহ বন্ধনে আবদ্ধ না হয়ে ও ঘর সংসার করতে পারে, দু জন ধর্ম বিশ্বাসী নর-নারীর মন চাইলে ও তা করতে পারবেনা। জীবদ্দশায় ইচ্ছা থাকলে ও আল্লাহর সৃষ্ট তাদের দেহের কোন অঙ্গ-প্রত্যঙ্গ মৃত্যুর পরে ও কাউকে দিতে পারবেনা।

আধুনিক যুগের শিক্ষিত, ভদ্র, বুদ্ধিমান, সহজ, সরল বিশ্বাসী মুসলমানদের অনেকে আশা পোষণ করেন আরেকটা আকবরের এলাহী ধর্ম আবিষ্কার করার। আরবের রাজতন্ত্র তারা মানেন না, ৯/১১ তে ইহুদি নাসারা, খৃষ্টানদের অকাল মৃত্যুতে তাদের প্রাণ কাঁদে, তারা হিন্দু-মুসলিম ভাই ভাই শ্লোগান দেন, কমলগঞ্জের নুরজাহানের পক্ষ নিয়ে মোলানা মান্নানের প্রতি স্বর্ণা প্রকাশ করেন, তারা আফগানিস্তানের বৌদ্ধ-মূর্তি ভাঙা সমর্থন করেন না। আচ্ছ বলুন তো ভাইয়েরা, আপনাদের ঈমানটা রইলো কোথায়? আপনারা শুনে নাই সেই সুমহান বাণী-"মদিনার একটা কুকুরের সমালোচনা করা ও মুসলমানদের উচিৎ নয়"। ৯/১১ তে মৃত কাফির কুফ্ফারদের উদ্দেশ্যে আপনারা বলেন নি-"ফি না-রি জাহান্নামা খা-লিদিনা ফি-হা আবাদা। ভুলে গেছেন নবীজির পবিত্র হাদিস? "আল্ মুসলিমু আ-খুল মুসলিম" (মুসলমান মুসলমানের ভাই)। হিন্দুর ভাই হবে কেন? ভাইয়ের মৃত্যু সংবাদে কি দোয়া করা যাবে "মৃত্যুর সাথে সাথে অনন্ত কালের জন্য তোমরা ঢুকে পড়ো ভয়ঙ্কর জাহান্নামের অগ্নিকুণ্ডে"। রাহমাতুল্লিল আলামিন তিনির জীবদ্দশায় শরীয়ার যে আইনটি এক



ব্যাভিচারীর উপর প্রয়োগ করে তার প্রতি রহমত বর্ষালেন, নুরজাহানের প্রতি সমবেদনা প্রকাশ করা সেই পবিত্র আইনটির অবমাননা করা নয় কি? স্মরণ করুন মক্কা বিজয়ের দিনের কথা। সেদিন আবু সুফিয়ানের বংশদরের অতি আদরের অসোম ভক্তির, কত কষ্টের নিজ হাতে গড়া ৩৬০টি দেবতার মাথা মুন্ডু ভেঙ্গে চুরমার করা হলো তাদের চোখের সামনে। একজন সাহাবী উহু করলেন না। আজ বৌদ্ধদেবের মূর্তি ভাঙায় আপনাদের উল্লসিত হওয়া উচিত নয় কি?। নবিজীর পূর্ণ জীবনটা ই তো আল-কোরআন, আর কোরআন ই তো মুসলমানদের জন্য A Complete Code of Life (একটি পূর্ণাঙ্গ জীবন বিধান)। এই পবিত্র গ্রন্থে ই লিপিবদ্ধ আছে অর্থনীতি, পৌরনীতি, রাজনীতি Sociology, Geology Chemistry, Science, Technology , Astrology, মানুষের ইহলোক পরলোকের সকল সমাধান। ১৫ শত বৎসর যাবৎ বিশ্বের কোটি কোটি মুসলমান বইখানি সাদরে, সমাদরে মগজে বুকে অন্তরে রেখে আজ কিনা বলেন "চোরের পরিচয় কেপ্ট বেটার নামে ই পাওয়া যায়"। মুসলমান কেপ্ট হলো কেন? এর জন্য দায়ী মুসলমান নয়, মুসলমানদের ঐ বই খানি।

Stephen Hawkins এর Pre History of Time পড়ে যারা কুন্ ফা-ইকুন আল্লাহর মহা-সৃষ্টির সর্বপ্রথম বাক্যের প্রতিধ্বনি শুন্তে পান, যারা সুরা ফীলে- "ওয়া আরছালা আলাইহীম, তোয়াইরান আবাবীল, তারমীহীম, বিহিজা-রাতিম মিন ছিজিল" পড়ে আবাবীল পাখির ঠেংগের (পা) মধ্যে আকাশ থেকে বোমা নিক্ষেপনের সূত্র খোঁজে পান তাদের সাথে মুক্তমনা/ ভিন্নমতের লেখকগণের অর্থহীন তর্ক, সমাজ ও নতুন প্রজন্মের কোন উপকারে আসবেনা।

ছোট খাটো ইংরেজী শব্দ নিয়ে (তা ও ইংরেজীতে) নিজেদের মধ্যে কলম যুদ্ধ আপনাদের মানায় না। সারা বিশ্বের লক্ষ লক্ষ নতুন প্রজন্ম ইন্টারনেটে কমপিউটারের স্ক্রীনে আপনাদের দিকে তাকিয়ে আছে। আপনাদের মুখে এক বাঙ্গালী আরেক বাঙ্গালীকে ভরা কলসী-শূন্য কলসী সম্মাধন করা শোভা পায়না।

সৈয়দ হাবিবুর রহমান
ইংল্যান্ড ২০০৩।

